

請迺答曰：尹熙平京中無武臣堂上故啓之當矣。但慶州大處也，熙平雖武臣，頗有學識，必以如此人差遣可也。餘亦不允。○月暈。○管押使刑曹參議尹止衡如京師。○丁卯，臺諫啓前事，憲府又啓長興府使張彥良可用於邊方，而不合內地守令水原之事。人倫大變，其降邑黜，乃所以示民以大變之意，而仍任金瑄苟且黃璞，本無物望，士林輕賤，不合大司成、工曹判書韓亨允本有物論，不合六卿請並迺皆不允。○慶尚道金海有女一產三女。○戊辰，御夕講。○臺諫啓前事，又同辭啓曰：三陟府使禹允功性本貪黷，前則以有所失不得為衛將，近雖累爲守令，及其適來也，允物多數取來貪黷情狀，尤露忠清道水使申至衡前為忠清兵使適以軍籍老除作紙多數捧納，終無置處，私有用下，不持此也。泛濫之事甚多，同知柳湄前為忠清道兵使，侵漁軍卒，上獻多數取來此三人者，貪黷無狀，請皆罷黜，不齒仕版，皆不允。○己巳，御朝講。○御夕講。○臺諫啓前事，黃璞、尹熙平、水原事如啓，餘皆不允。○夜東方有氣如火。○庚午，臺諫啓前事不允。○上召王子君駙馬等于慶會樓下觀射，候賞賜有差。○辛未，御朝講。○遣丞常寺正柳仁貴于黃海道司饗院正韓胤昌于江原道內膳寺正金麟孫于忠清道典翰。